


କବିତା-ମାଳା

କାଳୀପ୍ରସାଦ ସିଂହ

ଏସିପି

କଟକ,

ଚେକ୍‌ବୁକ୍, ମିଳାଚର-୧୮୮୦୦୭



To
Mani
+
Shobha

— Kali Prasad
1.8.83

at

1/16/17

+

order 2

Wm. B. Lant

S. B. L.

কবিতা-মালা

কালীপ্রসাদ সিংহ

এবিপি

কচুয়রম,

চেংকুড়ি, শিলচর-৭৮৮০০৭

Kabitā Mālā

by

Dr K. P. Sinha M.A., Ph.D., D.Litt.

পইলা সংস্করণ :

শ্রীশ্রীজগন্নাথ দেবর রথযাত্রা (২৭ আষাঢ় '৯০ সন)

১২ই জুলাই, '৮৪ ইং.

প্রকাশনাত :

শ্যামানন্দ সিংহ

অর্জা বাবাইসেনা প্রকাশনী

কচুঘরম,

পোঃ—চেংকুড়ি, শিলচর-৭৮৮০০৭

ছাপানিত :

ইমাপো প্রেস

কচুঘরম,

পোঃ—চেংকুড়ি, শিলচর-৭৮৮০০৭

দাম : ৫'০০ : পাকা বাধাই ৬'০০

প্রাক-কথন

হাইস্কুল-জীবনের প্রথমার্ধ—ষষ্ঠমান শ্রেণীতে তামবরানির সময়ত—কবিরূপে প্রতিষ্ঠিত অনার প্রবল বাসনা আহান আছিল। উত্তার পিছে বাসনা উহান ক্রমশঃ গ্লান অইতে অইতে এক রকম দূরেই অইল বুলিয়া মনে অর। কিন্তু ভিতরে কই কবি-মানসর জীবন্ত আগ্নেয়-গিরি আগো থা'পড়িলগা পাউরিনায় ; মেরাক মেরাকে কবিতা খানি ফুৎকার দিয়া উঠের।

কবিতার মাধ্যমে মেরাকে গ্রাম্য সমাজর চিত্র খানি ফুটোয়া জুলানির প্রবৃত্তি আহানি দেহা দেহ। উহানর ফলস্বরূপ নিকুলেছে কবিতা উহানি এ পুস্তিকার প্রথম ভাগে প্ৰকাশকরিয়া দেহু। মেরাকে জীবনর বিভিন্ন স্তরে অনুভূতির যে পরিবর্তন দেহা দেছে উতাউ কবিতার আকারে রূপ দেনার প্রয়াস করেছু। এ ধারার কবিতা উতা এ পুস্তিকার দ্বিতীয় ভাগে সংকলিত করেছু। মোর জীবন-অনুভূতির অথবা কাব্য-সাধনার বিচারে প্রয়োজনে আহানি যাবরের বুলিয়া প্রতি কবিতার তলে বর্তমান স্মৃতির গঞ্জে নির্ভর করিয়া রচনার আনুমানিক কাল আহানিও উল্লেখ করেছু।

মোর কবিতা এতা পার্করিয়া মোরে কবিগো নাবুলিয়াউ থাইক ; হুদা পাঠব-শাঠিকা কতোগোর এতান্ত আনন্দ খানি পা'দিলেউ মি ইমে নিজে নিজে কবিগো অহু সাত বুলিয়া ত্পিত পেইতো।

উল্লেখযোগ্য যে শ্রীচন্দ্রকান্ত সিংহ গিরবর 'মালিনী'-নাটুর কবিতা-সংকলনে মোর 'আধারর অবসান', 'প্রকৃতির ডাক' বারো 'কবিরে'—এ কবিতা তিনোহানি রোয়ানি অহে। এতার প্রথম দিয়োহানি কনাক-কালর লেখাহানি ; তৃতীয় উহানো প্রায় পনর-ষোল বছর আগেকার লেখাহান। উত্তাত দোষ-ত্রুটি খানি আছে ; পরবর্তী কালে উতার সংশোধনো করেছু। এ সংকলনে কবিতা উতার সংশোধিত রূপ উহানি প্রকাশ করানি অইল। ইতি—

সূচীপত্র

প্রথম ভাগ

নুঙেইশা দিন নেই	১
হবা পাঠ	৩
গৃহিণীর বিলাপ	৪
নিঙোল আকখুলীগো	৬
হুনতা মাতঙ কইনা গিদেই	
খানা-পিনার কোঁল	৮

দ্বিতীয় ভাগ

আধারর অকলান	১
প্রাণর সখা	২
প্রকৃতির ডাক	৪
সুদূর দেশর যাত্রী	৬
রূপে অরূপর লীলা	৭
অমৃতর সন্ধান	৮
কবিরে	১০
না কাদিছ	১১
আকদিন আহেছিলে	১২
আহির পানি ফুটা আগো দাগো	১৩
প্রেম : যুবতারা	১৪
নিজর কালিমা	১৫
পৃথিবীর ভালবাসা	১৬

প্রথম ভাগ

1878

নুঙেইপা দিন নেই

নুঙেইপা দিন নেই মোর আর,

নুঙেইপা দিন নেই ।

হবায় বালায় আকদিন কেনে

ভাতিগ খানাউ দেই

নিঙকরেছিল শউ-সুমারারে

বিদ্যা তালকরেয়া

ধর্ম কর্ম খানিও করিম্

সংসার এরাদিয়া ।

এবাকাহে কই মিকপহানউ

সময়হান না পোরি;

লেইসাঙে বইতোগা বৌবুইর

খলিকহে হুনোরি ।

এবাকার শউ এতারাও বারো

লম্ব গুরু চিন নেই ;

ফড়হান হিকে বেলানিয়ে আর

কারউ পাত্তা নেই ।

গুরুজনগোনা বুলিয়া মোরেউ

কুঙগোয় চিনতারা ?

ডেমা শউ উগ আহিলা বুললে

সিনিমাদে ছুটতারা ।

এখরুম বারো ফাওশন উনি

করতারা ষনে ষনে !

নিঙোল মুনিয়ে কুরাও কুরাও

যিতারাগা খেনে খেনে !

কিতা করতারা বারো তানুরতা

মিটিঙেউলয় নার !

যেহানাতো উর্নি পণা উগুর্লিয়ে

সেকরেটারীগো থার ।

আমার কালেতে এসাদেতে কই

কিতাউ না করলাঙ ।

হানতে হাবিয়ে নাখেয়া পানিত

ভাহিয়া গেলাগাথাঙ ?

গাঙ এহানর শউর্গিয়ে বারো

করতারা বেবহারে !

তানুর হকেদে খেড়গাছ পারা

নাউ গণতারা মোরে ।

মাতলু তানুরে, মিও কইদিন

খাউরিতা ঠিক নেই ;

হবার বালার থায়কো হাবিয়ে,

কেনাকেনি এরা দেই ।

কিতা কানা ইল ! নিয়মহানাত

আকদিন নাযানিয়ে ,

কউর্লি-খানায় হাতপরলেই

ডেমা উর্গি হাবিগিয়ে ।

জাঙ উগুর্লিও বাউটাগো অয়া

ঘরে ঘরে পর দেব ;

শউ উতারেও বেভার আহানি

হিকেইঙ নাবুলের ।

কইতা কিতাউ খালকরতু মি !

রাতি নেয়ইল শুম ;

এতার কিতার জ্বালায় অইল

দেহাগোউ কুরসুম ।

নুঙেইপা দিন নেই মোর আর,

আরাক দিনতে কই ?

সুরবুরদ ইমে দীঘল পথগো

লনায় বালাইতই ।

—১৯৬৫ ইংরেজী

হবা পাত্র

আমার তাঙা বড়ার এরে

শউগো কথা বেলারায় ;

পাততরগো কিয়ার কাজে

মন্দ নাছে পারানায় ।

রঙহানিতে কালা ইলেউ

নানহে কিয়া চেইতেতে !

ছলম কুচে কপালহানো

পহর অছে বাককাতে ।

আহির মিতা গাতুরা, হায়,

অট জুড়াতে বপপায়া ।

আতজাঙেদে হুরদ ইলেউ

পেট উগোতে ডিঙগারা ।

বিদ্যাহানো প্রথম মানে

থুঙ অছেগা খেইপকে ;

মেলোটোরিত দেনার কাজে

গইগো অছে জেরতাকে ।

সাজবাজর বাজুদে নেই

খানা-পিনাত বৈষ্ণপগো ।

হবাবালায় চেইলে অর

মুর নঙেরা মিকুপগো ।

দশর কামে হেইনা অতি,

ভাবহানাদে গুর্কাখগো ;

দৌরাউলির বানদারাতো

পইলাকার ভাবকগো !

এলারবেদে নুবাগাওর

অজার লগে জুড়ি দেব ;

তিন-জুড়াদে সেনধা-পরে

হিন্দিটকির এলা দেব ।

মুটর কথা শউগুর্লিরে

চেতকরেহে আত করো ।

নিঙোলগুর্লি নুঙেই ইয়া

থাইবাগাতা জুত করো ।

১৯৬৬ ইংরেজী

গৃহিণীর বিলাপ

রইদে বরণে শারাম ছিড়িয়া

করিঙতা কাম মুরগো কুটিয়া !

আকদিনতেহে 'জেলা এগোতেনা

হিনপেইলোকো, থাক অ'লগানা'

—বাইক্কহান না মাতেদিলে !

শউগুটে এতা হাবি সামালেন্না,
আকাদিন পারা থানি সাঙ নায়্যা,
'ফুঙকাহানাত থদেছ হাবিতা,
হজকারি থানি লাগেন্না তি পিতা'

—বুলতে কি লীলা করেছিলে !

মানুএতা হাবি গাঙ এহানর
ধরতারা বাউ মেররা বিলর ।
আকাদিন তিতে পলগোলো গিন্না
'দতা মাছ এগি ভাজতা' বুলিয়া
পণা আগলি না উড়াছিলে !

সারা লাঙপাল চারাপ বাধিয়া
মানু এতা হাবি আইজলে গিন্না
বরষার আগে রূপা কুচ কুচ
আনতারা, নিজে খেয়া আককুচ;
আহিগলো তিতে দেহেছিলে !

তিতে ঘরে বয়া হুপিগি বুলিয়া
মুকখি জারিও গাতা নুয়ারিয়া,
তাগুরি নাগুরি করেতে পারর ;
ভাজা করানির চানা কতোগোর

পইছাতে দেনা পারেছিলে ?

জেলা মানুগোয় হতনা করিয়া
কচু কতোজার থিছিল গাতেরা ।
লপকেতো আয়া নাপেয়া কুনোতা
ডাইল গুলিলো পাকদেছ লতা

—এচুটিও হার নাপাছিলে !

১৯৬৮ ইংরেজী

নিঙোল আকখুলীগো

ও মোর গিদেই, তাখোনি গিদেই,

বুজাউরীনায় তিতে ।

মোর হুদিগোর জদালাহান তিতে

কিতাউ হারপা দিতে ?

গুট আহানর হাদিহানরয়া

নিঙোল আকখুলীগো ;

খিছিল, বানালো করিয়া হুনোর

খউনার নাপ্পীগো ।

মাতল, নিঙোল এগুনীরে মোর

দুরেয়েদে না বেলেয়ো ;

বিয়ান বেলেকা দেখানি পারিম

জু তহান করে দিমো ।

মোর কুছাহান নাউ হুনে দিরা

লাগনেই ফামে দিলা ।

বছর আনহান লালো যিভেগাউ

নাদলোহা আকবুলা ।

মানদর ঘরেতে জাঙেই নিঙোল

গুট গুট আহিতারা ।

মোর ধারিগোত জীব কুনোগোউ

পারাহান নাদতারা ।

দৌরা-সাওপাল হাবি লালো গিরা

আহিল অলাওহান ।

খোঁত পড়ানির আগে আকাফর

দেহিঙনে সাতহান

১৯৭৪ ইংরেজী

ছুনতা মাতিও কইনা গিদেই

ছুনতা মাতিও, কইনা গিদেই,
বিচার করিয়া চেই;
মোর দুঃখর যারি-সিঙকুল
হারপাকুরাউ নেই ।
জীবন এহান হুনা করলু
জানহান এড়া দিয়া ;
লগটাক পারা গিরসতিহান
মুট করে খমদিয়া ।
জিপুত ডাঙর অইলাতাইতে
খেড়গাছ ইলু পারা ।
এগয়উ দূর হেগয়উ দূর
হারিবে খঙদিয়ারা ।
আইলী বহকাঁচলিও বাববা
করগলিতে নাছে ;
অট উঁচলাত কাপক ফুটের
হাগমাটী নাদেখেছে ।
হুউরকে বইষটপগো অয়া
কিততাউ না মাতানি ;
আকখুলীগোয় হাববি দেখিয়া
হবানেই ঠাঙ পানি ।

— ১৯৭৫ ইংরেজী

খানাপিনার কৌলি

(ক)

অবায় করে দউগখানি,
কিতাউ বারো থুরাদেহত !
কাললা কচু বাগদুরা খানি
উববা করে পাকদেহত ।
মাছ কিতাউ নেই, চুমছে,
নেইতা কিতা শাকলখই ?
য়েনাম দিয়া ডাইল বড়া
আগো পারাউ দেহত কই ?
আলু আগোর মেত খানিও
কাদার মাজে পেইঙ কেনে !
চানা-কচুর ভাজি খানিও
আকদিনউ থেইক এনে !
শান্তি আহান নাপেইলু মি
তি আছেহত জীবনে মোর ;
হবা বালায় বেলা আহান
নাপেইলু মি ভাত কামড় ।

(খ)

হায় হায় বালা, তিয়ে জিঙেহত !
হুরাত করেহে খানা মনাহত !
সারাদিনহান গাঙ পর দৌন ;
খানার পরেতে বউলি হাজ্জানি ।
বীরতন থেয়া সারা লাওপালে
হউপাতাহানো গাতা নুরারলে ।

লেউপাতাহানো 'মি নাইলে না'না,
 কারলজারর পালোগোউ দেনা !
 জেলেই মূনির এতা হাবি কাম
 মূচন করিয়া বিয়ান মাধান,
 মেঠেল মেঠেল রাধিয়াও দেনা ;
 মোর গারিগোতে কতো লুরাগোনা !
 গাঙর মানুরে গিয়া পালে পালে
 ধরতারা মাড চেংকুড়ি বিলে ।
 আকদিন তিও ইঙাচিল বেয়া
 'ধরোতাহে এগি ভাজোতা' বুলিয়া
 উরাউ দিয়াদে কতোগো খাজিঙ ;
 হুককানা করে মচি করে দিঙ ।

(গ)

জেলা এগোতেনা কতোহান অছে !
 থতা উঁচিলাত রেডিও বহাছে ।
 জেলেইর কথা আমি না লয়ার ;
 গাঙর মানুর ভাত না খেয়ার ।
 সিঙয়া চাঁলছ মিঙ মূনিগোনা ;
 থতা উঁচিলারে মূজুরে দিমনা ।

(ঘ)

বাই বাই ! চিয়ো , লাজহানো নেই ;
 এরে এরে আহো হাবিহানে চেই ।
 মানুর মূঙেতে সভাত গেলগা
 তিঙা মেকুরগো অয়া বহেরগা ;
 থরে আহিঙেতে বেটোগোহে সার
 থেপরে থেপরে মিজাজ দেহার ।

খনো জেঠাবার কালাক পেলক ;
স্নেকনাপারতা পেটগি বুজক ।
জগত এহান কতি বিছারেয়া
পাছি জাঙাবগো কপাল ফাটিয়া !
ভগবান, তিরে থারা থাইলেতে
দেহিঙ এতার মাটিক ফলতে !

(৬)

হেইরে হেই ! গোলোকচান,
থিঅইলেকো বেভারহান !

গাঙ-ঘরর মান্দুর মূঙে
না থইলে তি আমার মান ।

কামদুমেতে সুপকো নেই ;
কৌলির মাজে ফাসকালাস ।
কতো ডাঙর অ'পড়েছত !

কপালে তোর নেইতা লাজ ?
বহকগুন্দি আড়ে গারিয়ে

তিতা করিয়া হালত নেই ;
গারি উগোত রেনজহানো

তোরতা কিতা রাখাল নেই ?

ফিরাউত্তর বাইক আগো
অইলেরেনা, সেইন্ত হেই !

থিঅইতই ; মাতলু এরে
তোরতা আজি রক্খা নেই ।

যেতা পাছত উতা গিলিয়া
থককরে তি উঠ হবার ।

মাতলুতাহে, গুরুরে সাথি,
নাইলে আজি দেখতারায়

— ১৯৭৭ ইংরেজী

দ্বিতীয় ভাগ

॥ श्री गणेशाय नमः ॥

আধারর অবসান

মনাছত, সখা, অতীতর কথা

হাবি পাহুরিয়া আছ ;

জীবন-বাণীর তারগাহ মোর

ছিড়িয়া বেলেরা থছ !

নীরব রাত্তির আধার ভবনে

একা মোরে পেরী গোপনে গোপনে

যে মধুর কথা মাতোছিলে, সখা,

মনে আছে — হাবি আছে ;

প্রাণ পলে পলে তোর মধু-বাণী

হৃদিগো ধরিয়া থছে ।

ও নিশীথে মোর এ ঘরে নিরলে

যে দীপ লাগেয়া থছ ,

ঝড়-ঝঞ্ঝার মাঝে তারে কহু

নিভে যান্না মি নাদেছ ।

উদন এ মোর প্রমোদ কাননে

যে ফুল শাতছে নবীন বরণে ,

নিককা নিককা বেলীর মিঙালে

নুৱা নুৱা রূপ দেছ ;

হিলর আঘাতে জাঁঙঙ বুলতে

অনুরাগে বাধে থছ ।

হায়হান, আজি জীবন আবেগে

দিকে দিকে আহি দেছ ;

তবু, সখা, মোর কাকেরে কাকেরে

তোর রূপ মনে থছ ।

জান্দ—আছে যত মায়া'র রচনা,
রূপ রস আদি বিষয় বাসনা
পলে পলে মোর জীবন-আসরে
বহানির কাম দেহু ;
তবু হৃদিগোর ফুলার আসন
তোরকা বুলিয়া থেহু ।

জান্দ—এ ঘরর কোণে কোণে আছে
কতো আধারর মেলা ;
মোর এ দীপর ক্ষীণ মিঙালরে
করেছে তা অবহেলা ।

জান্দ—জান্দ তবু যে বিয়ানে, সখা,
তোর লগে মোর অইতই দেখা
তোর মহাদীপ-সাগরর বৃকে
রচিয়া মিলন-লীলা ;

অইতই, সখা, অবসান মোর
হাবি আধরর থেলা ।

১৯৫৮ ইংরেজী

প্রাণর সখা

প্রাণর সখা হে ! তিনা বারে বারে

আহর এ মোর ঘরে !

চিনে চিনে তোরে চিনে নদুরারুরি

যারগা তি ফিরে ফিরে ।

রুদ্ধ ঘরে মোর ঘেবাকা বাঁহিয়া

আছিলু আহির পানিলো ভাহিয়া,

উবা । মিঙাল দেহাছিলে তিনা

আহিয়া মোর দুরারে !

ছেয়োগো দেখলু, চিনে নরারলু

তোরে মিতে হবা করে ।

কাকেই দেছিলু শ্যশানর পথে

অজ্ঞান অন্ধকারে ;

উবাকা পথগো চপল-চমকে

দেহাছিলে তিনা মোরে !

ষেবাকা পাতার পাথে ভর দিয়া

মনাছিলু যানা আকাশে উড়িয়া,

উবাকা নীরবে আতহানি দিয়া

আলকরোছিলে মোরে ।

পলে পলে মোরে ফার্মদিয়া ঘর

তোর করুণার উরে ।

কুরুক্ষেত্রে গেলুগা ষেবাকা

সাজিয়া ধনুক-কারে,

ধর্মরাজ্য স্থাপন করাত

নাশিয়া কুরুসেনারে ;

উবাকা তি মোর পিছে পিছে থায়া

চখা চখা কার দেছিলে বাছিয়া ;

উবাকা দক্ষ সারথীগো অয়া

চালাছিলে তিনা মোরে !

প্রাণর সখা হে, তিনা বারে বারে

আহর এ মোর ঘরে ।

— ১৯৫৮ ইংরেজী

প্রকৃতির ডাক

হৃদকান্ড এ ঘরর চালহার তলে
গেলগানা মোর কতোদিন !
আজি আজি—কালি কালি—দিন লেহা লেহা
চঞ্চল এ মর-জীবনর ।
গেলগা অনেক দিন ।
কুন গুম্বস্ত কোণে মোর মানস-পটর
ধীরে ধীরে সাড়া দেয়—কুন অতীতর
স্মৃতির টুকারা খানি !
কুন শূভক্ষণে, নাজানু উদিন
নুৰা বসন্তর মদে মত্ত কোকিলর
কুন আধা-স্নাধা ফুটা মধুর কুঞ্জে—
কুন যাদু করে দেছে কিবা ইন্দ্রজালে
অলস রাতির ঘুম পেইরাকে বাগেছিল !
উদিন মি প্রভাতর লিরিলিরি বোরে
শিহরিয়া উঠেছিল ।
আবিরর যন্তে রাঙা মৃগুর গগনে
কার চরণর আভা পাছিল, মি দেখা !
উদিন এ জলধির পরপারে বরা
চিরপরিচিত মোর কুন সখা যেন
আতর ইসারা দিয়া ডাহেছিল মোরে !
চিরপরিচিত তার মধু কণ্ঠরবে
চিস্তত এ মোর কত ঢেউ উঠেছিল;
চঞ্চল চরণ মোর দিশাহারা পথে
কাকেই দৌছিল ।
বা'রো আজিকার প্রাতে
এ দরবার খুলানির আগে

হৃদয়ের মি রংগে রংগে নৃপতির ধনি ।

আজি মোর এ দেহের প্রতি মাণিক্য

— আজি মোর চরণের দিশাহারা গতি

বা'রো কন ইন্ড্রজাল-বিদ্যুৎ-পরশে

নবীন যৌবনবেগে অজানার খোজে

উঠিল চঞ্চল অঙ্গ ।

আজি এ মূরুর গজর বিণাল আকাশ,

বনানীর সুকোমল সবুজ বরণ,

ঘননীল টেঙারার চিত্রপট

অব্যক্ত সুধার রসে বিশ্ব বাহুরেয়া

জানার আহ্বান মোরে ।

আজি মোর এ চরণ দুর্দম আবেগে

মনার নিমেষে যান আকাশের পারে

— মনার ভাণ্ডব নাচে করানি নর্তন

সাজিয়া তারার মালাসাজে ।

দিয়ো আত আজি মোর চঞ্চল আবেগে

মনার গিথানি মালা জুনাঝ-তারার ফুলে—

মনার লুটিয়া নেনা নিমেষের মাজে

সুধার আকর মহা-জলধির বদকে ।

— ১৯৫৯ ইংরেজী

সুদূর দেশের যাত্রী

সুদূর দেশের সন্ধানে মি

জীবনের এ বিয়ানে

চলেছ দুর্দম বেগে—

থরা পিছে যুগযুগান্তর

হাবি অপূর্ণতা — হাবি ভার
 প্রলয়-বরণ, বড়-ব্যাঘ্রা
 আহক এ পথে ;
 নিষোর আধারে চমকে চমকে
 লানিয়া আহক বিদ্যুৎ-ঝলক ;
 তবু মি নিভাঁক অচল অটল
 গিরিরাজ হিমাদ্রির সাদে ।
 সংসারর বাধন !
 হাস্যকর হাবি — অতি তুচ্ছ, অতি হীন ।
 অনন্তর সম্বধানী মি ;
 স্বাধীন অনন্ত চিত্ত মোর ;
 অমৃতর সূত্রে গিথা
 প্রতি মোর হৃদির স্পন্দন ;
 কি সাধ্য বাধানি মোরে ক্ষুদ্র সংসারর ?
 মান-ধন, নাম-যশ ,
 রূপর রসর প্রলোভন —
 হাবিতা মোরাঙ মিছা ;
 অমৃতর লোভী যে ভ্রমর,
 বিপথে নেনার তারে শক্তি করো নেই ।
 দুর্দম দস্যুর দল
 আহকা এ মোর পথে — প্রতি পদে ;
 শাস্ত সমাহিত তবু এ হৃদিগো মোর
 সিস্পন্দ-প্রদীপ-সাদে ।
 প্রিয়র চরণ-তলে
 পরাগ দেনার কালে
 যে তীক্ষ্ণ অমোঘ শর
 তুলে দেছে আতে মোর ,

অব্যর্থ সন্ধানে তার
 ছিন্নভিন্ন করেদিতো নিমেষর মাঝে ।
 তীক্ষ্ণ তীক্ষ্ণ কার
 আহক — আহক মৃগে ;
 এ মোর ললাট দেশে
 যে প্রলয় জিগো আছে,
 জ্বালাময় তার স্ফুলিঙ্গর স্পর্শে
 ধূলিসাৎ অইতই হাবি আহির নিমেষে ।
 সুদূর দেশর যাত্রীগো মি ;
 চলেছ অসীম দেশে ।

—১৯৫৯ ইংরেজী

রূপে অরূপের লীলা

হিমাদ্রির গভীর গহবরে,
 প্রকৃতির বৃকে
 ধ্যানে মগ্ন মহামুনি—
 নিঃসঙ্গে নিরলে ।
 ইন্দ্রিয়-দুরার হাবি
 রুদ্ধ তার বিবেকর পাশে ;
 যত ভোগ লুটে খার তার পদতলে ।
 সংসার এহান তাঁরা
 লোহা কারাগার ।
 সমাজ-বাধন,
 নগরর জন-কোলাহল,
 মানুর মানুর প্রেম,
 আত্মীয়র স্নেহর শিকল,
 মহাকাব্য রচিতার নায়িকার

কঙালা আবেগ—

হাবি নিরর্থক ।

ভবে কি এ সংসারে

হাবিতা নিঃসার ?

প্রকৃতির সবুজ লীলা,

শব্দ-স্পর্শ-রূপ-রস-গন্ধময়

এ মধুর মেলা—

হাবিতা ছলনা ?

ইমার আহির পানি,

প্রেমিকার কঙালা পরশ,

ঘোবনর প্রমোদ-কানন,

বিচ্ছেদর মিলনর হৃদির আবেগ—

হাবিতা কি মিছা ?

নাগয়—নাগয়,

হাবি সত্য —সত্যর বিচিত্র খেলা ;

এ নাম রূপর পরপারে

যে সত্য লুকেয়া আছে,

জগতর রূপে রূপে তার মধুর মেলা ।

অরূপে রূপর চরণ ছকর ;

রূপে অরূপর লীলা ।

—১৯৬০ ইংরেজী

অমৃতর সন্ধান

পইলা ঘোঁদন

অমৃতর সন্ধান পাইলু

উঁদন মি ভাবেছিলু—

হাবি মিছা—হাবিতা কণিক ।

ইমা-বাবা, বেইবুনি, বা বেয়াপা,
 ধন-জন, বিদ্যা-উপার্জন—
 হাবিতা মায়ার খেলা ।
 মনর পাহিয়া মোর
 সংসার-কোলাহল,
 সমাজ-বাধন—
 হাবিতা ছিড়িয়া ভীম-পদাঘাতে
 মনাছিল যানা দুরেইত—বহুদুরেইত—
 যেপেই এ জগতর
 কুনো কোলাহল নেই—
 নিম্পন্দ-ভ্রমর-রূপে
 মহাসাগরর বুকৈ
 পিনারকা অমৃতর মহানন্দ-রস
 আজি যৌবনর যুগে
 দেহুরি মি দিনে দিনে—
 মধুর মলয়-হারা
 হৃদিগো ছকয়া
 ধীরে ধীরে মাতেদের সুদূরর কথা—
 যেপেয়র পরশ পানায়
 রসাপ্রসূত অয়া
 ছুটেছে তা ঘরে ঘরে
 দেনারকা ও দেশর রসর ভারতা ।
 নির্বাক নিম্পন্দ অয়া
 দেহুরি মি আজি—
 কি মধুর—বিচিত্র এ জগতর খেলা !
 আনন্দর মেলা আজি অছে ঘরে ঘরে ।
 দেহুরি মি আজি—

মিথ্যা — মিথ্যা এপেইত নেই,
 সত্য নেই দূরেইত ;
 হাবি সত্য—একই সত্যর লীলা ;
 মহাসাগরর মহাবদুকুগোর
 অমৃতর রসে গড়া এ বিশ্বভুবন ।

— ১৯৬০ ইংরেজী

কবিরে •

তোর আহির পানি নুৱাতা নাগই, কবিবর !
 তার লগে বহুদিন আগে পরিচয় মোর ।
 জীবনর পইলা বিয়ানে—
 কনাকর আধারর বিদায় লগনে,
 হৃদয় ও ঘরর মোর দুরার খেবাকা খুলেছিল
 —নুৱা রাঙা অরুণর কঙালা পরশে
 শিহরিয়া উঠেছিল ;
 উদিন দুরার-মুণ্ডে হপনর সানে
 তোর এ দেবীর রূপ পড়েছিল আহিগির কোণে ।
 উদিন এ হৃদিগোর আসনর গজে
 দেবীর ও রূপ বহাছিল ;
 নিরলে গোপনে রয়া
 আহির পানিলো বাহেছিল ।
 জীবনর ক্ষণে ক্ষণে
 কতোবার পড়েছিল মনে ;
 কতোবার হপনে হপনে
 ও রূপ মি পূজা করেছিল ;
 পথে পথে দেখা পেয়া

● কবি সেনারূপর উদ্দেশ্যে ইকরা কবিতাহান

কতোবার গোপনে মি আহি পুছোছিলু ।

তোর এ আহির পানি

কতি দামী তানু জানি,

যেতার আহির কোণে

দেবীর কঙালা রূপ দেখা দেছে

বিজুলির সানে ।

— ১৯৬৬ ইংরেজী

না কাদিছ

তিষ্ঠা তোর আহিখন বৌদিন গোপনে

পড়োছিল দৌর । মোর আহিগির কোণে,

উদিন মি হৃদিগোত যে বেদনা পাছ,

আজি পেয়া পাহুরানি নুঝারেছ ।

উদিন মি এ হৃদিগোত হাবি সুখ মোর

সপোছলু হৃদিগোত তোর ।

লাজ-ডর, মান-ধন, যৌবন নুঙেই-হপন

তোর সালে হাবি মোর দেখু বিজলিন

কতো অপমান, দারিদ্র্য-অড়ন

মূরে নিয়া করেছ এ প্রাসাদ-রচনা

ঘরে ঘরে বুলে বুলে তোরা এলা দিলু

তোর উরে মোর ধন হাবি ডালোদিলু

নিষ্ঠুরা, কৃতঘ্না, তবু তুমি মোর হৃদিগোত

কঙালা আতর কঙালা পরশ আকদিনমাদেছ

যত তোর বারাদে মি কাকোই দেছ

কপট মুকাসি তোর তত মি দেহেছ

যত তোর এলা দিয়া বিভূলা মি অছ

চকল জুহান তোর তত চহা পাছ

থাক তবে, মোর এ পরশ যদি সহ্য তোর নার,
 তোর পিছে পিছে না বুলতৌ আর ।
 যাগা— যাগা তিহে দৌবি ! যতদূরে ইচ্ছা তোর ;
 তোর কাজে তবু থদেছু আসন হৃদিগোত মোর ।
 উপেই বহেয়া তোর খিয়ান মূরতি
 পুঞ্জীভূত বেদনালো দিতউ আরতি ।
 তবু যদি না গলের, নাগলক,
 দূর দেশে গিয়া আমার নিরালস্য গারিগো জগৎক ।
 উদিন হাবির মূণ্ডে তিহে নাদিছ,
 উদিন তি মোর নাঙে হুনা না পিদিছ ।

—১৯৬৯ ইংরেজী

আকদিন আহেছিলে

আকদিন বিয়ানে তি আহেছিলে—
 বসন্তর কঙালা বিয়ানে ।
 তোর নুপুরর ধ্বনি পড়েছিল কাণে মোর
 হৃদিগোত পাছিলু মি
 আনন্দর মৃদু প্রতিধ্বনি ।
 মনাছিলু—এসাদে তি আহিতেই
 দিনকার—বারে বারে মোর ঘরে ।
 মারেছিলু—‘আজ যাগা
 কতোদিন পিছে তি আহিছ ।’
 গেলগো তি আহে আহে ;
 কামে মন্ত মোর হৃদিগোত
 তোর বিরহর বাধা স্পর্শ নাকরেছে ।
 গেলগো অনেকদিন—
 কালবৈশাখী-ঝড়ে, হিলর বরণে,

বীরঝার কালা তাপে পুড়ে পুড়ে
 জিরানির ছোয়া আগো চাউরি ঘেবাকা ;
 হুনারি উবাকা
 হৃদিগোর কোণে মোর
 তোর নুপুরর মন্দ, রন্দ, রন্দ, ধনি ;
 দেহুরি উবাকা
 অমৃতর বজ্রা তোর
 কঙালা সজল আহি ;
 মনার্জির উবাকা মি বারো তোরে পানা ।
 এবারে আহিলে তোরে বহানি দিত্তি —
 এরা না দিত্তি আর ;
 আহিছ তি—ডিল নাকরিছ ।

—১৯৭৫ ইংরেজী

আহির পানি ফুটা দুগো আগো

কনাকর কঙালা মনর সোনারি হপনে
 স্বর্গরাজ্য গড়েছিল, পৃথিবীর গজে ।
 হৃদিগোর মাঝে মোর থিছিল, রচিয়া
 কল্পনার নন্দন-কানন ।
 যোগোরে ষেপের পাছিল, কাদাত,
 বহাছিল, উগোরে মি হৃদিগোর মাঝে ।
 উপহাস করেছিল, দৌছিল বা কতো অপবাদ
 এ মোর অবুজ মন হার নাপাছিল হবা করে ।
 কতোদিন মোর কঙালা হৃদির কঙালা আবেগে
 গোপনে আহির পানি নিজেছিল ফুটা দুগো আগো ।
 চেইতে চেইতে মোর জীবনর বুকুগোত আয়া
 দেহুরি — হাবির সীমা নির্ধারিত আছে ;

স্বার্থপর জগতের হুকানা বুকুত
 নিঃস্বার্থ স্বর্গীয় প্রেমের কোনো মূল্য নেই ।
 চারিবেদে আজি মোর শব্দক মরুভূমি—
 জিরানির নেই কোনো মরুদ্যান ;
 চারিবেদে আজি স্বার্থের ঢেউর অটু উপহাস,
 সেতুবন্ধ রচনার কোনো চিন নেই ।
 আত্ম কাদাত মোর যেতারে পাছিলু,
 নিলাগা বিদায় হারি
 —দিনে দিনে—আগো দুগো করে ।
 কিন্তু মোর হৃদিগোর দুয়ার খুলিরা
 চাউরি যেবাকা—বাহিরা নিরলে,
 দেহুরি উবাকা—হৃদিগোর কোণে কোণে
 তানুর স্মৃতির দাগ পড়ে পড়ে আছে ।
 যে ফুলের মালালো তানুর হৃদি বাধেছিলু
 মালা উতা এবাকাউ আছে ফামে ফামে ;
 যে যে ফামে তানুরে মি বহানি দেছিলু
 ফামহানি এবাকাউ আছে তপ্তা অরা ।
 উপেইত আতহানি দিলে এবাকাউ আহিগি জিলের
 নিজের আহির পানি এবাকাউ ফুটা আগো দুগো ।

—১৯৭৬ ইংরেজী

প্রেমঃ ধুবতারা

প্রেম—ভালবাসা স্বয়ং প্রকাশ ;
 নিজের মহিমা তা নিজেই মাতে খার ।
 প্রেমের পবিত্র মন্ডল
 নাথার গুরিরা অন্ধকারে ।
 পৃথিবীত প্রেম এখানেই

হাবিতো পবিত্র বস্তুহান—

এহানেই একমাত্র ঐশ্বরিক ধনহান ।

প্রেমে স্বার্থ নেই, নেই কুটিলতা,

নেই আবিলতা,

নেই দেহ-ইশ্বরির সুখর লালসা ।

ঈশ্বরির নির্মল পদ্য আসনহানেই

প্রেমর আসনহান ।

প্রেমর মহিমা—প্রেমর গৌরব

ব্যর্থ নার কুনোদিন ;

স্বার্থর সংঘাতে কুনোদিন

বিচ্ছেদর প্রাচীর না কার

প্রেমর অখণ্ড বন্ধুগোত ।

মানব-মনর আকাশর গজে

প্রেমর মিঙাল

চিরকাল পালো থার ধুবতারা অরা ।

—১৯৭৭ ইংরেজী

নিজর কালিমা

হৃদিগোর মরমর ফুলবন মোর

উজার করিয়া বিলাছিল ;

খানিপারা স্বীকৃতি আহানি ছাড়া

নেয়োছিল মোর কুনো অভিলাষ ।

কিন্তু মোর হৃদিগোরে চিনে নুর্বানিয়া

অপবাদ দিয়া মোরে

কুনোগোর নিলাগা বিদার ।

হয়তো প্রেমর রীতি

হাবি নিয়মর পরপারে—

শূন্যমাত্র পবিত্রতা অথবা সত্যের গর্জন
 প্রেমের সাম্রাজ্য প্রতিষ্ঠিত ।
 হয়তো বা জগতের চলিত ধারার
 হাবি ব্যবহার নাজানু মি হবাকরে ।
 উহানে সুযোগ পেয়া
 নিজের মনর
 কপটতা, অহংকার, উদ্বেজনা,
 বারো আবিলতা — কালিমার প্রতিবন্ধ
 জীবন-দর্পণে মোর দেখা পেয়া
 কুনোগোয় অইলা দূরেই
 নিদোষ সাজিয়া ।
 হয়তো বা কুনোগোয়
 হৃদির স্পন্দন মোর ধরে পারেছিল;
 অইলা দূরেই তবু স্বার্থের সংঘাতে
 দোষীগো সাজেয়া মোরে ।
 অন্যগের গর্জে
 নিজের কালিমা উতা চাপা দিলে
 খানি যেন গারিগো সাঙর —
 নুঙেই লাগের — নাগইতা ?

— ১৯৭৭ ইংরেজী

পৃথিবীর ভালবাসা


জীবন ভরিয়া পৃথিবীর যেতা ভালবাসা
 দেখলু — বুজলু হবা করে ।
 মাতিও মি তোরে, হে প্রেমিক!
 প্রেমিকর বুকে কতি জ্বালা,
 কতি বা আহির পানি,


পদে পদে কঁতি পরিহাস,
 কঁতি বা ছলনা,
 হারপেয়া থাক এরে—
 এতা তোর ভবিষ্যৎ জীবনর উপাদান ।
 ভালবাসা ? অথবা দরদ ?
 এতা পৃথিবীর ভাষাই নাগই ;
 এ জগতে নেই কোনো ভালবাসা,
 দয়া, বা দরদ ।

স্বার্থর সংঘাত চলের এপেই চিরকাল—
 দিনরাত্তি স্বার্থর সংগ্রাম ।
 অবিরাম ভালবাসে যাগা,
 দুঃখ ছাড়া তোর কপালে কিতাউ নেই ।
 পৃথিবীর মানু হুদা পানা জানি ;
 যত ভালবাসা-মমতা-মরম তি দিতেই,
 মানুর ততই দাবী বাড়তই ;
 তত তানু তোর দোষ বিছারেয়া থাইয়ায় ।
 সহস্র গুণর মাঝে
 যদি তোর বিন্দু আগো দোষ থার
 —দোষতে থানাই স্বাভাবিক—
 তোর হাবি গুণে পদাঘাত দিয়া
 জীবনর কাজে তোরে উড়া বেলতায় ।
 অনাস্থীয় কুনোগোরে
 আস্থীয় করানি যদি তি মনার,
 কল্পনা-বিলাসীগো তি ;
 উজাত প্রেমর এ জগতে ফাম নেই ।

— ১৯৭৯ ইংরেজী







অজা বাবাইসেনা প্রকাশনী

কচুধরম,

চেংকুড়ি, শিলচর-৭৮৮০০৭

আমি প্রকাশ করেছি নেরিফ—

- ১। রুবাইয়ৎ-ই-ওমর খৈয়াম—ধনঞ্জয় রাজকুমার
- ২। এলার মালা—ডঃ কালীপ্রসাদ সিংহ
- ৩। বিষ্ণুপ্রিয়া মণিপুরী ভাষাতত্ত্ব রূপরেখা—ডঃ কালীপ্রসাদ সিংহ
- ৪। ডিগল আতহানল মোরে—ধনঞ্জয় রাজকুমার
- ৫। সালই মূণ্ডে—অনিল কুমার সিংহ
- ৬। জরাসন্ধ—ইন্দ্রকুমার সিংহ
- ৭। ধুবপদ—ব্রজেন্দ্রকুমার সিংহ
- ৮। অপরাজিতা—বিমল সিংহ
- ৯। মিকুপর চেরী ফুল—ধনঞ্জয় রাজকুমার
- ১০। অজা বাবুলোক—শ্যামানন্দ সিংহ
- ১১। সেন্সাস্—ইন্দ্রকুমার সিংহ
- ১২। কাব্যময় এরে রাত্টি এহান—অভয় কুমার সিংহ
- ১৩। কনাক মাতৌ—শ্যামানন্দ সিংহ
- ১৪। প্রবন্ধ মালা (১ম খণ্ড)—ডঃ কালীপ্রসাদ সিংহ
- ১৫। খুন্ডল (মিনি পত্রিকা)—বীণাপানি সিংহ (সম্পাদিকা)

যেতা প্রকাশ পানার পথে—

- ১। এলার মালা (পরিবর্ধিত ২য় সংস্করণ)—ডঃ কালীপ্রসাদ সিংহ
- ২। প্রবন্ধ মালা (২য় বারো ৩য় খণ্ড)—ডঃ কালীপ্রসাদ সিংহ
- ৩। Bishnupriya Manipuri (Language, Literature & Culture.)—Dr K. P. Sinha.